

温庭筠詩集

開化圖書館

kaohwa library

開化圖書館

Kaishua library

開化圖書館

Waihua library

開化圖書館

Kaishua library



溫庭竹均集

四部叢刊集部



Wanhu Library

上海涵芬樓借江南
圖書館藏述古堂景
宋寫本印行原書邊
欄高營造尺五寸九
分寬四寸三分

温庭筠詩集卷第一

雞鳴埭曲

南朝天子射雉時，銀河耿耿星參差。
銅壺漏斷夢初覺，寶馬塵高人未知。
魚躍蓮東蕩官沼，濛濛御柳懸棲鳥。
紅粧萬戶鏡中春，碧樹一聲天下曉。
盤踞勢窮三百年，朱方殺氣成愁烟。
隼星拂地浪連海，戰鼓渡江塵漲天。
繡龍畫雉填宮井，野火風驅燒九鼎。
殿巢江燕砌生蒿，十二金人霜炯炯。
芊綿平綠臺城基，暖色春容荒古陂。
寧知玉樹後庭花，留待野棠如雪枝。

織錦詞

丁東細漏侵瓊瑟，影轉高梧月初出。
簇蔌金梭萬縷紅，鴛鴦艷錦初成足。
錦中百結皆同心，藥亂雲盤相間深。

此意欲傳傳不得玫瑰作柱朱絃琴為君裁破合歡被
星斗迢迢寒一寒作共千里象尺熏爐未覺秋碧池已有新
蓮子

夜宴謠

長釵墜髮雙蜻蜒碧盡山斜開畫屏虬鬚公子五侯客
一飲千鍾如建瓴鸞咽托唱圓無節眉斂湘烟袖迴雲
清夜恩情四座同莫令溝水東西別亭亭蠟淚香珠殘
暗露曉風羅幕寒飄飄戟帶儼相次二十四技龍畫竿
裂管繁絃共繁曲芳樽細浪傾春醪高樓客散杏花多
脉脉新蟾如瞪目

蓮浦謠

鳴撓軋軋溪溶溶廢綠平烟吳苑東水清蓮媚兩相向

鏡裏見愁愁更紅
白馬金鞭大堤上
西江日夕多風浪
荷心有露似驪珠
不是真圓亦搖蕩

郭處士擊甌歌

佶粟金虬石潭古
勺陂漱澗幽脩語
湘君寶馬上神雲
碎佩叢鈴滿烟雨
吾聞三十六宮花
離離軟風吹春星
斗稀玉晨冷磬破
昏夢天露未乾香
著衣蘭釵委墜垂
雲髮小響丁當逐
迴雪晴碧烟滋重
疊山羅屏半掩桃
花月太平天子駐
雲車龍鑪勃鬱雙
螭擎宮中近臣抱
扇立侍女低鬟落
翠花亂珠觸續正
跳蕩傾頭不覺金
烏斜我亦為君長
歎息緘情遠寄愁
無色莫沾香夢綠
揚絲千里春風正
無力

遐水謠

天兵九月渡遐水馬踏沙鳴驚雁起殺氣空高萬里情
塞寒如箭雙眸子狼烟堡上霜漫漫枯葉號風天地乾
犀帶鼠裘無暖色清光炯冷黃金鞍虜塵如霧昏亭障
隴首年年漢飛將麟閣無名期未歸樓中思婦徒相望

曉仙謠

玉妃喚月歸海宮月色澹白涵春空銀河欲轉星靨靨
碧浪疊山埋早紅宮花有露如新淚小苑叢叢入寒翠
綺閣空傳唱漏聲綢軒天辨凌雲子遙遙珠帳連湘烟
鶴扇如霜金骨仙碧簫曲盡絳霞動下視九州皆悄然
秦王女騎紅尾鳳半空迴首晨雞弄霧蓋狂塵億兆家
世人猶作牽情夢

錦城曲

蜀山攢黛留情雪簌簌
蕪芽紫九折江風吹巧剪霞綃
花上千枝杜鵑血杜鵑飛入巖下叢
夜叫思歸山月中
巴水漾情情不盡
文君織得春機紅
怨魄未歸芳艸死
江頭學種相思子
樹成寄與望鄉人
白帝荒城五千里

生襟屏風歌

玉墀暗接崑崙井
井上無人金索冷
畫壁陰森九子堂
階前細月鋪花影
繡屏銀鴨香
翦濛天上夢
歸花繞叢
宜男漫作後庭艸
不似櫻桃千子紅

嘲春風

春風何處好別殿
饒芳艸苒嫋一作弱
轉鸞旗萎蕤吹雉
葆揚芳歷九門澹
蕩入蘭蓀爭柰白團扇
時時偷主恩

舞衣曲

藕腸纖縷抽輕春烟機漠漠嬌蛾頻金梭浙瀝透空薄
 剪落交刀吹斷雲張家公子夜間雨夜向蘭堂思楚舞
 蟬衫麟帶壓愁香偷得鶯簧鏤金縷管含蘭氣嬌語悲
 胡槽雪腕鴛鴦絲芙蓉力弱應難定楊柳風多不自持
 迴嚙笑語西窓客星斗寥寥波脉脉不逐秦王卷象床
 滿樓明月梨花白

張靜婉採蓮曲 并序

靜婉羊侃妓也其容絕世侃自為採蓮二曲今樂府所
 存失其故意因歌以俟採詩者事載具梁史

蘭膏墜髮紅玉春燕釵拖頸拋盤雲城邊揚柳向嬌一作
 晚門前溝水波粼粼麒麟公子朝天客珂一作馬璫璫
 渡春陌掌中無力舞衣輕剪斷鮫綃破春碧抱月飄烟

一尺腰麝臍龍髓憐嬌饒秋羅拂水碎光動露重花多
香不銷鷓鴣交交膠膠作塘水滿綠芒如粟蓮莖短一夜
西風送雨來粉痕零落愁紅淺船頭折藕絲暗牽藕根
蓮子相留連郎心似月月未缺十五十六清光圓

湘宮人歌

池塘芳意濕夜半東風起生綠畫羅屏金壺貯春水黃
粉楚宮人芳花玉刻鱗娟娟照綦燭不語兩含嚙

黃曇子歌

感策歌 李相妓人吹

蠟烟如霧新蟾滿門外沙平艸芽短黑頭丞相九天歸
 夜聽飛瓊吹朔管情遠氣調蘭蕙薰天香瑞彩含綢緼
 皓然纖指都揭血日暖碧霄無片雲含商咀徵雙幽咽
 軟穀踈羅共蕭屑一作瑟不盡長圓疊翠愁柳風吹破澄
 潭月鳴梭浙瀝金絲藥恨語殷勤隴頭水漢將營前萬
 里沙更深一一霜鴻起十二樓前花正繁交枝簇蒂連
 壁門景陽宮女正愁絕莫使此聲催斷魂

照影曲

景陽粒罷瓊牕暖欲照澄明香步懶橋上衣多抱彩雲
 金鱗不動春塘滿黃印額山輕為塵翠鱗紅穉俱含頰
 桃花百媚如欲語曾為無雙今兩身

拂舞詞

黃河怒浪連天來大響肱肱如殷雷龍伯驅風不敢上
百一作川噴雪高崔嵬二十三絃何太哀請公勿一作莫
渡立徘徊下有狂蛟鋸為尾裂帆截掉磨霜齒神推鑿
石塞神潭白馬趨趨赤塵起公乎一作躍馬場玉鞭滅
沒高蹄日千里

太液池歌

腥鮮龍氣連清防花風漾漾吹細光疊瀾不定照天井
倒影蕩搖晴翠長平碧淺春生綠塘雲容雨態連青蒼
夜深銀漢通拍梁二十八宿朝玉堂

雉場歌

菱葉萋萋接烟曙雞鳴埭上梨花露彩伏鏘鏘已合圍

繡翎白頸遙相妬
 雕尾扇張金縷高
 碎鈴素拂驪駒豪
 綠場紅跡未一作來相接
 箭發銅牙傷彩毛
 麥隴桑陰小
 山晚六虬歸去凝
 笳遠城頭却望幾
 含情青畝春蕪連
 石苑

雍臺歌

太子池南樓百尺
 八牕新樹疎簾隔
 黃金鋪首畫鈎陳
 羽葆停僮拂交戟
 盤紆欄楯臨高臺
 帳殿臨流鸞扇開
 早鴈驚鳴細波起
 映花函簿龍飛迴

吳苑行

錦雉雙飛梅結子
 平春遠綠窓中起
 吳江澹盡水連空
 三尺屏風隔千里
 小苑有門紅扇開
 天絲舞蝶共徘徊
 綺戶雕楹長若此
 韶光歲歲如歸來

常林歡歌

宜城酒熟花覆橋
沙晴綠鴨鳴咬咬
濃桑繞舍麥如尾
幽軋鳴機雙燕巢
馬聲特特荆門道
蠻水揚光色如艸
錦薦金鑪夢正長
東家咿喔雞鳴早

塞寒行

燕子絃勁霜封瓦
撲軟寒鷗睇平野
一點黃塵起雁喧
白龍堆下千蹄馬
河源怒觸風如刀
剪斷朔雲天更高
晚出榆關逐征北
驚沙飛迸衝貂袍
心許凌烟名不滅
年年錦字傷離別
彩毫一畫竟何榮
空使青樓淚成血

湖陰詞并序

王敦舉兵至湖陰
明帝微行視其營
伍由是樂府有湖
陰曲而亡其詞因
作而附之

祖龍黃鬚珊瑚鞭鐵驄金面青連錢虎髯拔劍欲成夢
日壓賊營如血鮮海旗風急驚眠起甲重光搖照湖水
蒼黃追騎塵外歸森索妖星陣一作戰前死五陵愁碧春
萋萋灞川玉馬空中嘶羽書如電入青瑣雪曉如槌催
畫鞞白虬天子金煌鉉高臨帝座迴龍章吳波不動楚
山晚花壓欄干春晝長

蔣侯神歌

楚神鐵馬金鳴珂夜動蛟潭生素波商風刮水報西帝
廟前古樹蟠白蛇吳王赤斧斫雲陣畫堂列壁叢霜刃
巫娥傳意托悲絲鐸語琅琅理雙鬢湘烟刷翠湘山斜
東方日出飛神鴉青雲自有黑龍子潘妃莫結丁香花

漢皇迎春詞

春草芊芊晴掃烟宮城大錦紅殷於開鮮海日初融照
仙掌淮王小隊纓鈴響獵獵東風燄旗畫神金甲蔥
籠網鉅公步輦迎勾芒複道掃塵燕篋長豹尾竿前趙
飛燕柳風吹盡眉間黃碧草含情杏花喜上林鶯轉遊
絲起寶馬搖環萬騎歸恩光暗入簾櫳裏

溫庭筠詩集卷第一

開化圖書館
kuahua library

溫庭筠詩集卷第二

蘭塘詞

塘水汪汪鳧唼憶上江南
木蘭檝繡頸金鬚蕩倒光
團團綠皺雞頭葉露凝
荷卷珠淨圓紫菱刺短浮根
小姑歸晚紅粧淺鏡裏芙蓉照
水鮮東溝瀟瀟勞回首
欲寄一杯瓊液酒知道無郎却
有情長教月照相思柳

晚婦曲

格格水禽飛帶波孤光斜起夕陽多
湖西山淺似相笑菱刺惹衣攢黛蛾
青絲繫船向江木蘭芽出土吳江曲
水極晴搖泛艷紅草平春染烟綿綠
玉鞭騎馬揚叛兒刻金作鳳光
參差丁丁暖漏滴花影催入景陽人不知
彎隄弱柳遙相囑雀扇圓圓掩香玉蓮塘
艇子歸不歸

柳暗桑穠間布穀

故城曲

漠漠沙隄煙隄西雉子斑雉聲何角角麥秀桑陰閑遊
絲蕩平綠明滅時相續白馬金絡頭東風故城曲故城
殷貴嬪曾占未來春自從香骨化飛作馬蹄塵

昆明治水戰詞

汪汪積水光連空重疊細紋晴激紅赤帝龍孫鱗甲怒
臨流一時生陰風鼙鼓三聲報天子雕旌獸艦凌波起
雷吼濤驚白若山石鯨眼裂蟠蛟死滇池海浦俱喧颺
青幟白旌相次來箭羽槍纓三百萬踏翻西海生塵埃
茂陵仙去菱花老嗚嗚遊魚近煙島渺莽殘陽釣艇歸
綠頭江鴨眠沙草

錢謙益述古堂藏書

濕麻錄言

七

謝公墅歌

朱雀航南繞香陌謝郎東墅連春碧鳩眠高柳日方融
綺榭飄飄紫庭客文楸方罨花參差心陣未成星滿池
四座無喧梧竹靜金蟬玉柄俱持頤對局含嘖見千里
都城已得長蛇尾江南王氣繫踈襟未許符堅過淮水

罩魚歌雜言

朝罩罩城南暮罩罩城西兩槳鳴幽幽蓮子相高低持
罩入深水金鱗大如手魚尾迸圓波千珠落緗藕風颺
颺雨離離菱尖刺鷓鴣飛水連網眼白如影浙瀝蓬聲
寒點微楚岫有花花蓋屋金塘柳色前溪曲悠溶杳若
去無窮五色澄潭鴨頭綠

春洲曲

韶光染色如蛾翠綠濕紅鮮水容媚蘇小慵多蘭渚閑
融融浦日鷓鴣寐紫駟蹀躞金銜嘶岸隄一作上揚鞭烟
草迷門外平橋連柳隄歸來晚樹黃鶯啼

臺城曉朝曲

司馬門前火千炬闌干星斗天將曙朱網龕髮丞相車
曉隨疊鼓朝天去博山鏡樹香茸茸裏裏浮航金畫龍
大江歛勢避辰極兩闕深嚴烟翠濃

走馬樓三更曲

春姿暖氣昏神沼李樹拳枝紫芽小玉皇夜入未央宮
長火千條照樓鳥馬過平橋通畫堂虎幡龍戟風飄揚
簾間清唱報寒點丙舍無人遺燼香

達摩支曲

錢謙益正古堂藏書

擣麝成塵香不滅
拗蓮作寸絲
難絕紅淚文君洛水春
白頭蘇武天山雪
君不見無愁高緯花漫漫
漳浦晏餘清露寒
一旦臣僚共囚虜
欲吹羌管先沈瀾
舊臣頭鬢霜華早
可惜雄心醉中老
萬古春歸夢不歸
鄴城風雨連天草

陽春曲

雲母空牕曉煙薄
香昏龍氣凝
暉閣霏霏霧雨杏花天
簾外春威著
羅幕曲欄伏檻金麒麟
沙苑芳郊連翠茵
廐馬何能嚙芳草
路人不敢隨流塵

湘東宴曲

湘東夜宴金貂人
楚女含情嬌翠嚙
玉管將吹插鈿帶
錦囊斜拂雙麒麟
重城漏斷孤帆去
唯恐瓊籤報天曙

萬戶沉沉碧樹圓雲飛雨散知何處欲上香車俱脉脉
清歌響斷銀屏隔隄外紅塵蠟一作炬歸樓前澹月連
江白

東郊行

鬪雞臺下東西道柳覆斑駁紫草塊靄韶容鏤澹愁
青篋葉盡蠶應老綠渚幽香生白蘋差差小浪吹魚鱗
王孫騎馬有歸意林彩著空如細塵安得人生各相守
燒船破棧休馳走世上方應無別離路旁更長千枝柳

水仙謠

水客夜騎紅鯉魚赤鸞雙鶴蓬瀛書輕塵不起雨新霖
萬里孤光含碧虛露魄冠輕見雲髮寒絲七炷香泉咽
夜深天碧亂山姿光碎平波滿船月

東峯歌

錦礫潺湲玉溪水曉來微雨藤花紫冉冉山雞紅尾長
一聲樵斧驚飛起松刺流空石差齒煙香風軟人參藥
陽崖一夢伴雲根仙菌靈芝夢魂裏

會昌丙寅豐歲歌雜言

丙寅歲休牛馬風如吹烟日如渡赭九重天子調天下
春綠將年到西野西野翁生兒童門前好樹青羊茸羊
茸單衣麥田路村南娶婦桃花紅新姑車右及門柱粉
項韓憑雙扇中喜氣自能成歲豐農祥爾物來爭功

碌碌古詞

左亦不碌碌右亦不碌碌野草自根肥羸牛生健犢融
蠟作杏蒂男兒不戀家春風破紅意女頰如桃花忠言

未見信巧語翻咨嗟一鞘無一作沒兩刃一作刀徒勞油壁車

春野行雜言

草淺淺春如剪花壓李孃愁飢蠶欲成蠶東城少年氣
堂堂金丸驚起雙鴛鴦含羞更問衛公子月到枕前春
夢長

醉歌

簷柳初黃燕新乳曉碧芊絲過微雨樹色深含臺榭情
鶯聲巧作煙花主錦袍公子陳盃觴撥醅百甕春酒香
入門下馬問誰在降階握手登華堂臨邛美人連山眉
低抱琵琶含怨思朔風繞指我先笑明月入懷君自知
勸君莫惜金一作芳罇酒年少須臾如覆手辛勤到老慕

簞瓢於我悠悠竟何有洛陽盧仝一作生稱文房妻子脚
秃春黃糧阿耆光顏不識字指麾豪傑如驅羊天犀壓
斷朱髯鼠瑞錦鷲飛金鳳皇其餘豈足露牙齒欲用何
能報天子驚馬垂頭搶暝塵驂騑一日行千里但有沉
冥醉客家支頤瞪目持流霞唯恐南園風雨作碧蕪狼
籍棠梨花

江南曲 五言

妾家白蘋浦日上芙蓉檝軋軋搖槳聲移舟入菱葉溪
長菱葉深作底難相尋避郎郎不見鸚鵡自浮沉拾萍
萍無根採蓮蓮有子不作浮萍生寧為藕花死岸傍騎
馬郎烏帽紫游韉含愁復含笑迴首問橫塘妾住金陵
浦門前朱雀航流蘇持作帳芙蓉持作梁出入金犢憶

兄弟侍中郎前年學歌舞定得郎相許連娟眉繞山依
約腰如杵鳳管悲若咽鸞絃嬌欲語扇薄露紅鉛羅輕
壓金縷明月西南樓珠簾玳瑁鈎橫波巧能笑鸞蛾不
識愁花開子留樹草長根依土早間金溝遠底事婦郎
許不學揚白花朝朝淚如雨

堂堂曲

錢塘岸上春如織森森寒潮帶晴色淮南遊客馬連嘶
碧草迷人歸不得風飄客意如吹煙纖指殷勤傷雁絃
一曲堂堂紅燭筵金鯨瀉酒如飛泉

惜春詞

百舌問花花不語低迴似恨橫塘雨蜂爭粉蕊蝶分香
不似垂楊惜金縷願君留得長妖韶莫逐東風還蕩搖

秦女含嚙向煙月愁紅帶露空迢迢

春愁曲

紅絲穿露珠簾冷百尺啞啞下織綆遠翠愁山入卧屏
兩重雲母空烘影涼簪墜髮春眠重玉兔熅氤柳如夢
錦疊空床委墜紅颺颺掃尾雙金鳳蜂喧蝶駐俱一作
悠揚柳拂赤欄纖草長覺後梨花委平綠春風和雨吹
池塘

蘇小小歌

買蓮莫破券買酒莫解金酒裏春容抱離恨水中蓮子
懷芳心吳宮女兒腰似束家在錢塘小江曲一自擅郎
逐便風門前春水年年綠

春江花月夜詞

玉樹歌闌海雲黑花庭忽作青蕪國秦淮有水水無情
還向金陵漾春色揚家二世安九重不御華芝嬾六龍
百幅錦帆風力滿連天展盡金芙蓉珠翠丁星復明滅
龍頭劈浪哀笳發千里涵空澄水魂萬枝破鼻團香雪
漏轉霞高滄海西玻璃枕上聞天雞變絃代寫曲如語
一醉昏昏天下迷四方傾動烟塵起猶在濃香夢魂裏
後主荒宮有曉鶯飛來只隔西江水

懊惱曲

藕絲作線難勝針藥粉染黃那得深玉白蘭芳不相顧
青一作借樓一笑輕千金莫言自古皆如此健劍荆鐘鉛
繞指三秋庭綠盡迎霜唯有荷花守紅死廬一作西江小
更朱斑輪柳縷吐芽香玉春兩股金釵已相許不令獨

作空成塵悠悠楚水流如馬恨紫愁紅滿平野野土千
年怨不平至今燒作鴛鴦瓦

三洲詞

團圓莫作波中月潔白莫為枝上雪月隨波動碎潏潏
雪似梅花不堪折李孃十六青絲髮畫帶雙化為君結
門前有路輕別離唯恐歸來舊香滅

溫庭筠詩集卷第二

錢謙王述古堂藏書

開化圖書館
kuahua library

錢謙王述古堂藏書

七

溫庭筠詩集卷第三

春曉曲

家臨長信往來道
乳燕雙雙拂烟草
油壁車輕金犢肥
流蘇帳曉春雞早
籠中嬌鳥暖猶睡
簾外落花閑不掃
衰桃一樹近前池
似惜紅顏鏡中老

獵騎

早辭平宸殿
夕奉湘南宴
香兔抱微烟
重鱗疊輕扇
蠶飢使君馬
雁避將軍箭
寶粧惜離絃
流黃悲赤縣
理釵低舞鬢
換袖迴歌面
晚柳未如絲
春花已如霰
所嗟故里曲
不及青樓宴

西州詞

悠悠復悠悠
昨日下西州
西州風色好
遙見武昌樓
武

昌何鬱鬱儂家定無匹小婦被流黃登樓撫瑤瑟朱絃
繁復輕素手直淒清一彈三四解掩抑似含情南樓登
且望西江廣復平艇子搖兩槳催過石頭城門前烏白
樹慘澹天將曙鷓鴣飛復還郎隨早帆去回頭語同伴
定復負情儂去帆不安幅作抵使西風他日相尋索莫
作西州客西州人不歸春草年年碧

燒歌

起來望南山山火燒山田微紅久如滅短焰復相連差
差向巖石冉冉凌青壁依隨迴風盡遠照簷茅赤隣翁
能楚言倚鍾欲潛然自言楚越俗燒畝為早田豆苗蟲
促促籬上花當屋廢棧豕歸欄廣場雞啄粟新年春雨
晴處處賽神聲持錢就人卜敲瓦隔林鳴卜得山上一作

卦歸來桑棗下吹火向白茅一作腰鑷映顏蕙風驅柰
葉烟柵樹連平山迸星拂霞外飛燼落階前仰面呻復
嚏鴉娘呪豐歲誰知蒼翠容盡作官家稅

長安寺

仁祠寫露宮長安佳氣濃烟樹含蔥蒨金刹映芊茸繡
戶香焚象珠網玉盤龍寶題斜翡翠天井到芙蓉幃長
迴遠吹窓虛含曉風遊騎迷青鎖歸鳥思華鐘雲拱承
跼遷羽葆背花重所嗟蓮社客輕蕩不相從

和沈參軍招友生觀芙蓉池

桂棟坐清曉瑤琴商鳳絲况聞楚澤香適與秋風期遂
從掉萍客靜嘯煙草湄倒影迴澹蕩愁紅媚連漪湘莖
久鮮滋宿雨增離披而我江海意楚遊動夢思北渚水

雲蔓南塘煙露枝豈亡臺榭芳獨與鷗鳥知珠墜魚迸
淺影多鳧泛遲落英不可攀返照昏澄陂

寓懷

誠足不顧得安矜徒有言語斯諒未盡隱顯何悠然洵
彼都邑盛眷惟車馬喧自期尊客卿非意干王孫銜知
有真爵處實非厚顏苟無海岱氣奚取壺漿恩唯絲南
山揚適我松菊香鵬鷗誠未憶誰謂凌風翔

觀蘭作并序

余自昔西濱得蘭數本移藝於庭亦既逾歲而芄然蕃
殖自余遊者未始以芳草為遇矣因悲夫物有壓常而
返不若混然者有之焉遂寄情於此
寫賞本殊致意幽非我情吾常有流淺外物無重輕各

言藝幽深彼美香素莖豈為賞者設自保孤根生易地
無赤株麗土亦同榮賞際林壑近泛餘煙露清余懷既
鬱陶爾類徒縱橫妍媸苟不信寵辱何為驚真隱諒無
迹激時猶揀名幽叢靄綠畹豈必懷歸耕

秋日

爽氣變昏旦神臯遍原隰煙華久蕩搖石澗仍清急柳
閣山犬吠蒲流疏一作水禽立菊花明欲迷棗葉光如濕
天籟思林嶺車塵倦都邑壽張夙所違悔愆何由入芳
草秋可藉幽泉曉堪汲牧羊燒外鳴林果雨中拾復此
遂閑曠翛然脫羈繫田收烏雀喧氣肅龍蛇蟄佳節足
豐穰良朋阻遊集沉機日寐寥葆素常呼吸投迹倦攸
往放懷志所執良時有東菑吾將事簞笠

七夕歌

鳴機札札停金梭芙蓉澹蕩生池波
 神軒紅粉陳香羅鳳低蟬薄愁雙蛾
 微光弈弈凌天河鸞咽鶴唳飄飄歌
 彎橋銷盡愁奈何天氣駘蕩雲陂陀
 平明花木有秋意露濕綵盤珠網多

酌友人

辭榮亦素尚倦遊非夙心寧復思金籍
 獨此卧烟林閑雲無定兒佳樹有餘陰
 坐久芟荷發釣闌菱葦深游魚自搖漾
 浴鳥故浮沉唯君清露夕一為灑煩襟

觀舞妓

朔音悲嘒管瑤踏動芳塵總袖時增怨
 聽破復含嘖凝腰倚風軟花題照錦春
 朱絃固淒緊瓊樹亦迷人

邊笳曲

朔管迎秋動
離音雁來早
上郡隱黃雲
天山吹白草
嘶馬悲寒磧
朝陽照霜堡
江南戍客心
門外芙蓉老

經西塢偶題

搖搖弱柳黃鸝啼
芳草無情人自迷
日影明滅金色鯉
杏花啞喋青頭雞
微紅揉蒂惹蜂粉
潔白芹芽入燕泥
借問含嚔向何事
昔年曾到武陵溪

金虎臺

碧草連金虎
青苔蔽石麟
皓齒芳塵起
纖腰玉樹春
倚瑟紅鈿濕
分香翠黛嚔
誰言奉陵寢
相顧復沾巾

俠客行

欲出鴻都門
陰雲蔽城闕
寶劍黯如水
微紅濕餘血
白

馬夜頻驚三更灞陵雪

詠曉

蟲歌紗牕靜鴉散碧梧寒稍驚朝珮動猶傳清漏殘亂
珠凝燭淚微紅上露盤寒衣復理鬢餘潤拂芝蘭

芙蓉

刺莖澹蕩綠花片參差紅吳歌秋水冷湘廟夜雲空濃
艷香露裏美人清鏡中南樓未歸客一夕練塘東

勅勒歌塞北

勅勒金憤壁陰山無歲華帳外風飄雪營前月照沙羌
兒吹玉管胡姬踏錦花却笑江南客梅落不歸家

邯鄲郭公祠

金笳悲故曲玉座積深塵言是邯鄲伎不見鄴城人青

苔竟埋骨紅粉自傷神
唯有涇河柳還向舊營春

古意

莫莫復莫莫絲蘿綠澗壑
散木無斧斤纖莖得依託
枝低浴鳥歇根靜懸泉落
不慮見春遲空傷致身錯

齊宮

白馬雜金飾言從雕輦迴
粉香隨笑度鬢態伴愁來
遠水斜如剪青莎綠似裁
所恨章華日冉冉下層臺

春日

柳暗杏花稀梅梁乳燕飛
美人鸞鏡笑嘶馬鴈門歸
楚宮雲影薄臺城心賞違
從來千里恨邊色滿戎衣

詠春幡

閑庭見早梅花影為誰裁
碧烟隨刃落蟬鬢覺春來
代

郡嘶金勒河陽悲鏡臺玉釵風不定香步獨徘徊

陳宮詞

雞鳴人草草香輦出宮花妓語細腰轉馬嘶金面斜
早鶯隨綵仗驚雉避凝笳浙瀝湘風外紅輪映曙霞

春日野行

騎馬踏烟莎青春柰怨何蝶翎朝一作胡粉盡鴉背夕陽
多柳艷欺芳帶山愁紫翠蛾別情無處說方寸是星河

詠頰

毛羽斂愁翠黛嬌攢艷春恨容偏落淚低態定思人枕
上夢隨月扇遠歌繞塵玉鈎驚不住波淺石磷磷

中書令裴公挽歌詞二首

王儉風華首蕭何社稷臣丹陽布衣客蓮渚白頭人銘

勒燕山暮碑沉漢水春從今虛醉飽無復污車茵
箭下妖星落風前 氣迴國香荀令去樓月庾公來玉
璽終無慮金滕竟不開空嗟薦賢路荒草滿燕臺

唐莊恪太子挽歌詞二首

疊鼓辭宮殿悲笳降杳冥影離雲外日光滅火前星
客瞻秦苑商公下漢庭依依陵樹色空繞古原青
東府虛容衛西園寄夢思鳳懸吹曲夜雞斷問安時
塵陌都人恨霜郊賄馬悲唯餘埋璧地烟草近丹墀

秘書劉尚書挽歌詞二首

玉筆活鸞鳳謝詩生芙蓉學筵開絳帳談柄發洪鍾
粉署見飛鵬玉山猜卧龍遺風麗清韻蕭散九原松
塵尾近良玉鶴裘吹素絲壞陵殷浩謫春墅謝安棋
京

口貴公子襄陽諸女兒折花兼踏月多唱柳郎詞

太子池二首

梨花雪壓枝鶯轉柳如絲懶逐粧成曉春融夢覺遲鬢
輕全作影頰淺未成眉莫信張公子牕間斷暗期
花紅蘭紫莖愁草雨新晴柳占三春色鶯偷百鳥聲日
長嫌輦重風暖覺衣輕薄暮香塵起長揚落照明

西嶺道士茶歌

乳竇濺濺通石脉綠塵愁草春江色澗花入井水味香
山月當人松影直仙翁白扇霜烏翎拂壇夜讀黃庭經
踈香皓齒有餘味更覺鶴心通杳冥

過西堡塞北

淺草乾河闊叢棘廢城高白馬犀七首黑裘金佩刀霜

清徹免目風急吹鷗毛一經何用厄日暮涕沾袍

溫庭筠詩集卷第三

開化圖書
kainna library

溫庭筠詩集卷第三

二

俄邊王達古堂藏書

海虞雜言三

...

開化圖書館
Kaihua Library

温庭筠詩集卷第四

送李億東歸六言

黃山遠隔秦樹紫禁斜通渭城別路青青柳弱前溪漢
漠苔生和風澹蕩歸客落月殷勤早鶯灞上金罇未飲
讌歌已有餘聲

開聖寺

路分磧石夾煙叢十里蕭蕭古樹風出寺馬嘶秋色裏
向陵鴉亂夕陽中竹間泉落山厨靜塔下僧歸影殿空
猶有南朝舊碑在耻將興廢問休公

贈蜀將蠻人成都頗著功勞

十年分散劍關秋萬事皆隨錦水流心氣已曾明漢節
功名猶自滯吳鉤鵬邊認箭寒雲重馬上聽笳塞草愁

今日逢君倍惆悵
灌嬰韓信盡封侯

西江貽釣叟騫生

晴江如鏡月如鈎
泛灩蒼茫送客愁
夜淡潛生竹枝曲
春朝一作難送上木蘭舟
事隨雲去身難到
夢逐烟銷水自流
昨日歡娛竟何在
一枝梅謝楚江頭

寄清源寺僧

石路無塵竹徑開
昔年曾伴戴顓來
牕間半偈聞鐘後
松下殘棋送客迴
簾向玉峯巖夜雪
砌因藍水長秋苔
白蓮社裏如相問
為說遊人是姓雷

重遊圭峯宗密禪師精廬一作廬處士

百尺青崖三尺墳
微言已絕杳難聞
戴顓今日稱居士
文進他年識領軍
暫對杉松如結社
偶同麋鹿自成群

故山弟子空回首
慈嶺唯應見宋雲

題李處士幽居

水玉簪頭白角巾
瑤琴寂歷拂輕塵
濃陰似帳紅薇晚
細雨如烟碧草春
隔竹見籠疑有鶴
捲簾看畫靜無人
南山自是忘年友
谷口徒稱鄭子真

利州南渡

澹然空水帶斜暉
曲島蒼茫接翠微
波上馬嘶看掉去
柳邊人歇待船歸
數叢沙草群鷗散
萬頃江田一鷺飛
誰解乘舟尋范蠡
五湖烟水獨忘機

贈李將軍

誰言荀羨愛功勳
年少登壇衆所聞
曾以能書稱內史
又因明易號將軍
金溝故事春長在
玉軸遺圖火半焚

不學龍驤畫山水一作色醉鄉無跡似閑雲

寒食日作

紅深綠暗暎相交
抱暖含春披紫袍
絲索平時牆婉婉
輕毬落處花寥寥
梢窓中草色妬雞卵
盤上芹泥憎燕巢
自有玉樓芳意在
不能騎馬度烟郊

李羽處士寄新醞走筆戲酬

高談有伴還成藪
沉醉無期即是鄉
已恨流鶯欺謝客
更將浮蟻與劉郎
簷前柳色分張綠
窓外花枝借助香
所恨玳筵紅燭夜
草玄寥落近迴塘

郊居秋日有懷一二知己

稻田鳧雁滿晴沙
釣渚歸來一徑斜
門帶果林招邑吏
井分蔬圃屬鄰家
臯原寂歷垂禾穗
桑竹參差映豆花

自笑謾懷經濟策不將心事許烟霞

題友人池亭

月榭風亭繞曲池粉垣迴牙瓦參差侵簾片白搖翻影
落鏡愁紅寫倒枝鷓鴣刷毛花蕩漾鷺鷥拳足靈離披
山翁醉後如相憶羽扇清樽我自知

南湖

湖上微風入檻涼翻翻菱荇滿迴塘野船著岸偎春草
水鳥帶波飛夕陽蘆葉有聲疑霧雨浪花無際似瀟湘
飄然蓬艇東歸客盡日相看憶楚鄉

贈袁司錄

即丞與相淮陽有公舊

一朝辭滿有心期花發楊園雪壓枝劉尹故人諳往事
謝郎諸弟得新知金釵醉就胡姬畫玉管閑留洛客吹

記得襄陽耆舊語不堪風景岷山碑

題西明寺僧院

曾識匡山遠法師
依松片石對前墀
為尋名畫來過院
因訪閑人得看棋
新鴈參差雲碧處
寒鴉遼亂葉紅時
自知終有張華識
不向滄洲理釣絲

偶題

微風和暖日鮮明
草色迷人向渭城
蜀客捲簾閑不語
楚娥攀樹獨含情
紅垂果蒂櫻桃重
黃染花叢蝶粉輕
自恨青樓無近信
不將心事許卿卿

寄湘陰閻少府乞釣輪子

釣輪形與月輪同
獨繭和烟影似空
若向三湘逢雁信
莫辭千里寄漁翁
蓬聲夜滴松江雨
菱葉秋傳鏡水風

終日垂釣還有意尺書多在錦鱗中

哭王元裕

聞說蕭郎逐逝川伯牙因此絕清絃柳邊猶憶紅青一作
駉影墳上俄生碧草烟篋裏詩書疑謝後夢中風兒似
潘前他時若到相尋處碧樹紅樓自宛然

法雲雙檜

晉朝名輩此離群想對濃陰去住分題處尚尋王內史
畫時應是顧將軍長廊夜靜聲疑雨古殿秋深影勝雲
一下南臺到人世曉泉清籟更難聞

送陳嘏之候官兼簡李常侍

縱得步兵無綠蟻不緣勾漏有丹砂殷勤為報同袍友
我亦無心似海查春服照塵連草色夜船聞雨滴蘆花

梅仙自是青雲客莫羨相如却到家

春日野行

雨漲西塘金堤斜碧草芊芊晴吐茅野岸明媚山芍藥
水田叫噪官蝦蟆鏡中有浪動菱蔓陌上無風飄柳花
何事輕撓句溪客綠萍方好不歸家

溪上行

綠塘漾漾烟濛濛張翰此來情不窮
雪羽離襟立倒影金鱗撥刺跳晴空
風翻荷葉一向白雨濕蓼花千穗紅
心羨夕陽波上客片時歸夢釣船中

上翰林蕭舍人

人間鷓鴣香難從獨恨金扉直九重
萬象晚歸仁壽鏡百花春隔景陽鐘
紫微芒動詞初出紅蠟燭一作香殘誥

未封每過朱門愛庭樹一枝何日許相容

春日偶作

西園一曲艷陽歌擾擾車塵負薜蘿自欲放懷猶未得
不知經世竟如何夜聞猛雨判花盡寒戀重裘覺夢多
釣渚別來應更好春風還為起微波

春夢宴罷寄宋壽先輩

斜掩朱門花外鐘曉鶯時節好相逢窓間桃葉宿粧在
雨後牡丹春睡濃蘇小風姿迷下蔡馬卿才調似臨邛
誰憐芳草生三徑參佐橋西陸士龍

馬嵬驛

穆滿曾為物外遊六龍經此暫淹留返魂無驗青烟滅
埋血空生碧草愁香輦却歸長樂橋曉鐘還下景陽樓

甘泉不復重相見誰道文成是故侯

知道溪君別業

積潤初銷碧草新鳳陽晴日帶雕輪絲風一作飄弱柳平
橋晚雪點寒梅小院春屏上樓臺陳後主鏡中金翠李
夫人花房透露紅珠落蛺蝶雙飛護粉塵

奉天西佛寺

憶昔狂童犯順年玉虬閑暇出甘泉宗臣欲舞千鈞劍
追騎猶觀七寶鞭星背紫垣終掃地日歸黃道却當天
至今南頓諸耆舊猶指榛蕪作弄田

題望苑驛東馬槐西

弱柳千條杏一枝半含春雨半垂絲景陽寒井人難到
長樂晨鐘鳥自知花影至今通博望樹名從此號相思

分明十二樓前月不向西陵照盛姬

寄分司元庶子兼呈元處士

閉門高卧莫長嗟
水木凝暉屬謝家
綵嶺參差殘曉雪
洛波清淺露晴沙
劉公春盡蕪菁色
華廐愁多首蓓花
月榭知君還悵望
碧霄烟閣鴈行斜

題柳

揚柳千條拂面絲
綠烟金穗不勝吹
香隨靜婉歌塵起
影伴嬌饒舞袖垂
羌管一聲何處曲
流鶯百轉最高枝
千門九陌花如雪
飛過宮牆兩自知

和友人悼亡

玉兒潘郎淚滿衣
畫羅輕髻雨霏微
紅蘭委露愁難盡
白馬朝天望不歸
寶鏡塵昏鸞影在
鈿箏絃斷雁行稀

春風幾許傷情事碧草侵階粉蝶飛

李羽處士故里

柳不成絲草帶烟海槎東去鶴歸天愁腸斷處春何限
病眼開時月正圓花若有情還悵望水應無事莫潺湲
終知此恨銷難盡辜負南華第一篇

却經商山寄昔同行友人

曾讀逍遙第一篇爾來無處不恬然便同南郭能忘象
兼笑東林學坐禪人事轉新花爛熳客程依舊水潺湲
若教猶作當時意應有垂絲在鬢邊

池塘七夕

月出西南露氣秋綺羅河漢在斜溝楊家繡作鴛鴦幔
張氏金為翡翠鈎香燭有花妨宿燕畫屏無睡待牽牛

萬家砧杵三篙水一夕橫塘似舊遊

偶遊

曲巷斜臨一水間小門終日不開關紅珠斗帳櫻桃熟
金尾屏風孔雀開雲髻幾迷芳草蝶額黃無限夕陽山
與君便是鴛鴦侶休向人間覓往還

寄河南杜少尹

十載歸來鬢未凋玳簪珠履見常僚豈聞名利分榮路
自有才華作慶霄鳥影參差經上苑騎聲相續過中橋
夕陽亭畔山如畫應念田歌正寂寥

贈知音

翠羽花冠碧樹雞未明先向短牆啼窓間謝女青蛾斂
門外蕭郎白馬嘶星漢漸移庭竹影露珠猶綴野花迷

景陽宮裏鐘初動不語垂鞭上柳隄

過陳琳墓

曾於青史見遺文今日飄蓬過古墳
詞客有靈應識我霸才無主始憐君
石麟埋沒歲春草銅雀荒涼對暮雲
莫怪臨風倍惆悵欲將書劍學從軍

題崔公池亭舊遊

皎鏡芳塘菡萏秋此來重見採蓮舟
誰能不逐當年樂還恐添成異日愁
紅艷影多風嫋嫋碧空雲斷水悠悠
簷前依舊青山色盡日無人獨上樓

回中作

蒼莽寒空遠色愁嗚嗚戍角上高樓
吳姬怨思吹雙管燕客悲歌別一作
五侯千里關山邊草暮一星烽火朔

雲秋夜來霜重西風起隴水無聲凍不流

西江上送漁父

却逐嚴光向若耶釣輪菱棹寄年華三秋梅雨愁楓葉
一夜蓬舟宿葦花不見水雲應有夢偶隨鷗鳥一作鷺便
成家白蘋風起樓船暮江燕雙雙五兩斜

經故秘書崔監揚州南塘舊居

昔年曾識范安成松竹風姿鶴性情西掖曙河橫漏響
北山秋月照江聲乘舟覓吏經輿縣為酒求官得步兵
千頃水流通故墅至今留得謝公名

七夕

鵲歸燕去兩悠悠青瑣西南月似鈎天上歲時星右轉
世間離別水東流金風入樹千門夜銀漢橫空萬象秋

蘇小迴塘通桂檝未應清淺隔牽牛

題韋籌博士草堂

玄晏先生已白頭不隨鴛鴦押群鷗元卿謝免開三徑
平仲朝歸卧一裘醉後獨知殷甲子病來猶作晉春秋
滄浪未濯塵纓在野水無情處處流

和友人題壁

冲尚猶來出範圍肯將經一作輕世作風徽三台位缺嚴
陵卧百戰功高范蠡端自欲一鳴鷲鶴寢不應孤憤學
牛衣西州未有看棋暇澗戶何由得掩扉

春日將欲東歸寄新及第苗紳先輩

幾年辛苦與君同得喪悲歡盡是空猶喜故人先折桂
自憐羈客尚飄蓬三春月照千山道十日花開一夜風

知有杏園無路入馬前惆悵滿枝紅

經李徵君故居

露濃烟重草萋萋樹映闌杆柳拂隄一院落花無客醉
五更殘月有鶯啼芳筵想像情難盡故榭荒涼路已迷
惆悵羸驂往來慣每經門巷亦長嘶

送崔郎中赴幕

一別黔巫似斷絃故交東去更悽然心遊目送三千里
雨散雲飛二十年發跡豈勞天上桂屬詞還得幕中蓮
相思休話長安遠江月隨人處處圓

經舊遊

珠箔金鈎對綵橋昔年於此見嬌饒香燈悵望飛瓊鬢
涼月慙慙碧玉簫屏倚故窓山六扇柳垂寒砌露千條

壞墻經雨蒼苔遍拾得當時舊翠翹

老君廟

紫氣氤氳捧半巖蓮峯仙掌共巉巖廟前晚色連寒水
天外斜陽帶遠帆百二關山扶玉座五千文字闕瑤緘
自憐金骨無人識知有飛龜在石函

過五丈原

鐵馬雲鵬久絕塵柳陰高壓漢營春天晴殺氣屯關右
夜半妖星照渭濱下國卧龍空寤主中原逐鹿不因一作
人象床錦寶一作帳無言語從此譙周是老臣

和友人傷歌姬

月缺花殘莫愴然花須終發月終圓更能何事銷芳念
亦有濃華委逝川一曲艷歌留婉轉九原春草妬嬋娟

王孫莫學多情客自古多情損少年

山中與諸道友夜坐聞邊防不寧因示同

志

龍砂鐵馬犯烟塵跡近群鷗意倍親風卷蓬根屯戊己
月移松影守庚申韜鈴豈足為經濟巖壑何嘗是隱淪
心許故人知此意古來知者竟誰人

祕書省有賀監知章草題詩筆力遒健風
尚高遠拂塵尋玩因有此作

越溪漁客賀知章任達憐才愛酒狂鸚鵡葦花隨釣艇
蛤蜊菰菜夢橫塘幾年涼月拘華省一宿秋風憶故鄉
榮路脫身終自得福庭回首莫相忘出籠鸞鶴歸遼海
落筆龍蛇滿壞墻李白死來無醉客可憐神彩弔殘陽

題裴晉公林亭

謝傳林亭暑氣微
山丘零落閤音微
東山終為蒼生起
南浦虛言白首歸
池鳳已傳春水浴
渚禽猶帶夕陽飛
悠然到此忘情處
一日何妨有萬機

溫庭筠詩集卷第四

温庭筠詩集卷第五

車駕西遊因而有作

宣曲長場瑞氣凝
上林狐兔待秋鷹
誰將詞賦陪雕輦
寂寞相如卧茂陵

傷温德彝

昔年戎虜犯榆關
一敗龍城正馬還
侯印不聞封李廣
他人丘壟似天山

贈少年

江海相逢客恨多
秋風葉下洞庭波
酒酣夜別淮陰市
月照高樓一曲歌

夏中病疴作

山鬼揚威正氣愁
便辭珍簟襲狐裘
西牕一夕悲人事

團扇無情不待秋

贈鄭徵君家佳山首春與丞相贊皇公遊

一拋蘭棹逐燕鴻曾向江湖識謝公
每到朱門還悵望故山多在畫屏中

題友人居

盡日松堂看畫圖綺疏岑寂似清都
若教烟水無鷗鳥張翰何由到五湖

題李相公

勅賜錦屏風

豐沛曾為社稷臣賜書名畫墨猶新
幾人同保山河誓獨自栖栖九陌塵

蔡中郎墳

古墳零落野花春聞說中郎有後身
今日愛才非昔日

莫拋心力作詞人

元處士池上

蓼穗芟叢思蟪蛄
水螿江鳥滿烟蒲
愁紅一片風前落
池上秋波似五湖

華陰韋氏林亭

自有林亭不得閑
陌塵官樹是非間
終南長祇一作在茅
簷外別向人間看
華山

寄裴生乞釣鉤

一隨菱棹謁王侯
深愧移文負釣舟
今日太湖風色好
却將詩句乞魚鉤

長安春晚二首

曲江春半日遲遲
正是王孫悵望時
杏花落盡不歸去

江上東風吹柳絲
四方無事太平年
萬象鮮明禁火前
九重細雨惹春色
輕染龍池楊柳烟

三月十八日雪中作

芍藥薔薇語早梅
不知誰是艷陽才
今朝領得東一作春
風意不復饒
君雪裏開

咸陽值雨

咸陽橋上雨如懸
萬點空濛隔釣船
還似洞庭春水色
晚雲將入岳陽天

贈彈箏人

天寶年中事玉皇
曾將新曲教寧王
鈿蟬金鴈皆一作
零落一曲伊州淚
萬行

瑤瑟怨

冰簟銀床夢不成，碧天如水夜雲輕。
雁聲遠過向一作瀟湘去，十二樓中月自明。

題端正樹

路傍佳樹碧雲愁，曾侍金輿幸驛樓。
草木榮枯似人事，綠陰寂寞漢陵秋。

渭上題三首

呂公榮達子陵歸，萬古烟波繞釣磯。
橋上一通名利迹，至今江鳥背人飛。
目極雲霄思浩然，風帆一片水連天。
輕撓便是東歸路，不肯忘機作釣船。

烟水何曾息世機，暫時相向亦依依。
所嗟白首磻溪叟，

一下漁舟更不歸

經故翰林袁學士居

翫逐驚波玉委塵謝安門下更何人西州城外花千樹
盡是羊曇醉後春

題城南杜邠公林亭

時公鎮淮南自西蜀移節

卓氏壚前金線柳隨家隄畔錦帆風貪為兩地分霖雨
不見池蓮照水紅

夜看牡丹

高低深淺一欄紅把火殷勤遶露叢希逸近來成懶病
不能容易向春風

宿城南亡友別墅

水流花落歎浮生又伴遊人宿杜城還似昔年殘夢裏

透簾斜月獨聞鶯

過分水嶺

溪水無情似有情
入山三日得同行
嶺頭便是分頭處
惜別潺湲一夜聲

鄆杜郊居

槿籬芳援近樵家
籠麥青青一逕斜
寂寞遊人寒食後
夜來風雨送梨花

題河中紫極宮

昔年曾伴玉真遊
每到仙宮即是秋
曼倩不埽花落盡
滿叢烟露月當樓

四皓

商於六里便成功
一寸沉機萬古同
但得戚姬甘定分

不應真有紫芝翁

贈張鍊師

丹溪藥盡變金骨
清洛月寒吹玉笙
他日隱居無訪處
碧桃花發水縱橫

溫庭筠詩集卷第五

温庭筠詩集卷第六

開成五年秋以抱疾郊野不得與鄉計偕
至王府將議退適隆冬自傷因書懷奉寄
殿院徐侍御察院陳李二侍御回中蘇端
公鄴縣韋少府兼呈袁郊苗紳李逸四友

入一百韻

逸足皆先路窮郊獨向隅頑童逃廣柳羸馬卧平蕪黃
卷嗟誰問朱絃偶自娛鹿鳴皆綴士雌伏竟非夫菜地
荒遺野爰田失故都子先命祖國朝公相晉陽也亡羊猶博
鑿牧馬倦呼盧奕世參周祿承家學魯儒功庸留劔鳥
銘戒在槃孟經濟懷良畫行藏識遠圖未能鳴楚玉空
欲握隋珠定為魚緣木曾因免守株五車堆縹帙三選

闔繩樞適與群英集將期善賈沽葉龍圖天矯燕鼠笑
 盧胡賦分知前定寒心畏厚誣躡塵追慶忌操劍學班
 輸文園陪多士神州試大巫對雖希鼓瑟名亦濫吁等
 薦子去秋試京兆正使猜奔競何嘗計有無錙快虛訪覓
 王霸竟挪揄市義虛焚券開譏謾弃繻至言今信矣微
 尚亦悲夫白雪調歌響清風樂舞雩脅肩難黽勉搔首
 易嗟吁角勝非能者推賢見射乎兕觥增恐悚杯水失
 錙銖粉堞收丹米金鶻隱僕姑垂橐羞盡爵揚解辱彎
 弧虎拙休言畫龍希莫學屠轉蓬隨款段耘草闢墁草干反
 壚受業鄉名鄭藏機谷號愚質文精等貫琴筑韻相須
 築室連中野誅茅接上腴葦花綸虎落松癭鬪藥壚靜
 語鶯相對閑眠鶴浪俱藥多勞蝶翅香酷墜蜂鬚芳草

迷三島澄波似五湖
躍魚翻藻行愁鷺
睡葭蘆暝渚蔽
鷗鵝幽屏卧鷓鴣
苦辛隨藝勤一作殖
甘旨仰樵蘇
笑語空懷橘
窮愁亦據梧
尚能甘半菽
非敢薄生芻
釣石封蒼蘚
芳蹊艷絕一作絳
跗樹蘭畦
繚繞穿竹路
縈紆機杼
非桑女
林園異木奴
橫竿窺赤鯉
持翳望青鷗
泮水思芹味
瑯琊得稻租
杖輕藜擁腫衣
破芟披敷芳意憂
鷓鴣愁聲覺
蟪蛄短簷喧
語燕高木墮
飢鼯事迫離幽墅
貧辜犯畏途
愛憎防杜摯
悲歎似揚朱
旅食常過衛
羈遊欲渡瀘
塞歌傷督護
邊角思單于
堡戍標槍槊
關河鏢袖
爐威容尊大樹
刑法避秋荼
遠目窮千里
歸心寄九衢
寢甘誠繫滯
漿饋貴睚眦
懷刺名先遠
干時道自孤
齒牙頻激發
簪笈尚崎嶇
連府侯門貴
霜臺帝命俞

驥蹄初躡景鵬翅欲搏扶寓直迴驄馬分曹對暝烏百
神歆髣髴孤竹韻含糊鳳闕分班立鴛行疎劍趨觸邪
承密勿持法奉訐謨鳴玉鏘登降衝牙響曳婁一作祀
親和氏璧香近博山鑪瑞景森瓊樹輕冰瑩玉壺牙冠
簪鐵柱螭首對金鋪內史書千卷將軍畫一厨眼明驚
氣象心死伏規模豈意觀文物何勞琢砭珞草肥牧腰
窺苔滋滓昆吾鄉思巢枝鳥年華過隙駒銜恩空抱影
酬德未捐軀時輩推良友家聲繼令圖致身傷短翮驥
首顧疲駑班馬方齊駕陳雷亦並驅昔皆言爾志今亦
畏吾徒有氣干牛斗無人辨轆轤客來斟綠蟻妻試踏
青蚨積毀方銷骨微瑕懼掩瑜蛇矛猶轉戰魚服自囚
拘欲就欺人事何能道鬼誅是非迷覺夢行役議秦吳

錢謙益述古堂集卷之

凜冽風埃慘蕭條草木枯低徊傷志氣蒙犯變肌膚旅
鴈唯聞叫飢鷹不待呼夢梭拋促織心繭學蜘蛛寧復
機難料庸非信未孚激揚銜箭虎疑懼聽冰狐處已將
營窟論心若合符浪言輝棗夢何所託葭葦喬木能求
友危巢莫嚇雛風華飄領袖詩禮拜衾襦敬枕情何苦
同舟道豈殊放懷親蕙芷收迹異桑榆贈遠聊攀柳裁
書欲截蒲瞻風無限淚回首更踟躕

感舊陳情五十韻獻淮南李僕射

嵇紹垂髫日山濤筮仕年琴樽陳座上紈綺拜床前鄰
里纔三徙雲霄已九遷感深情懍恍言發淚潺湲憶昔
龍圖盛方今鶴羽全桂枝香可襲揚葉舊頻穿玉籍標
人瑞金丹化地仙賦成攢筆寫歌出滿城傳既矯排虛

翅將持造物權萬靈思鼓鑄群品待陶甄視草絲綸出
 持網雨露懸法行黃道內居近翠華邊書跡臨湯鼎吟
 聲接舜絃白麻紅燭夜清漏紫微天雷電隨神筆魚龍
 落彩牋開宵陪雍時清暑在甘泉耿介非持祿優游是
 養賢冰清臨百粵風靡化三川委寄崇推轂威儀壓控
 強梁園提發騎淮水換戎旃照日青油濕迎風錦帳鮮
 黛蛾陳二八珠履列三千舞轉迴紅袖歌愁歛翠鈿滿
 堂開照耀分座儼嬋娟油額芙蓉帳香塵玳瑁筵繡旗
 隨影合金陣似波旋緹幕深迴手一作朱門暗接連彩
 虬蟠畫戟花馬立金鞭有客將誰託無媒竊自憐抑揚
 中散曲漂泊泊孝廉船未展干時策徒拋負郭田轉蓬猶
 邈爾懷橘更潛然投足乖蹊徑冥心向簡編未知魚躍

錄遺王述古堂藏書

地空媿鹿鳴篇予嘗忝京兆稷下期方至漳濱病未痊
二年抱疾不赴鄉薦試有司定非籠外鳥真是殼中蟬蕙逕鄰幽澹
荆扉興靜便草堂苔點點蔬圃水澆澆釣罷溪雲重樵
歸澗月圓懶多成宿疾愁甚似春眠木直終難怨膏明
只自煎鄭鄉空健羨陳榻未招延旅食逢春盡羈遊為
事穿官無毛義檄婚乏阮脩錢冉弱營中柳披敷幕下
蓮儻能容委質非敢望差肩溢劍猶堪淬餘朱或可研
從師當鼓篋窮理久忘筌折簡能榮瘁遺簪莫弃捐韶
光如見借寒谷變風煙

題翠微寺二十二韻

太宗升遐之所

邠土初成邑虞賓竟讓王乾符春得位天弩夜收鉞偃
息齊三代優游念四方萬靈扶正寢千嶂抱重崗幽石

歸階陞喬柯入棟梁火雲如沃雪湯殿似含霜澗籟添
仙曲巖花借御香野麋陪獸舞林鳥逐鷺行鏡寫三秦
色窻搖八水光問雲徼楚女疑粉試何郎蘭芷承雕輦
杉蘿入畫堂受朝松露曉頒朔桂烟涼嵐濕金鋪外溪
鳴錦幄傍倚絲憂漢祖持壁告秦皇短景催風馭長星
屬羽觴儲君猶問豎元老已登床鶴蓋趨平樂雞入下
建章龍髯悲滿眼螭首淚沾裳疊鼓嚴靈伏吹笙送夕
陽斷泉辭劍珮昏日伴旗常遺廟青蓮在頽垣碧草芳
無因奏韶濩流涕對幽篁

過孔北海墓二十韻

撫事如神遇臨風獨涕零墓平春草綠碑折古苔青珪
玉埋英氣山河孕炳靈發言驚辯囿搗翰動文星蘊策

期千世持權欲反經激揚思壯志流落歎頽齡惡木人
皆息貪泉我獨醒輪轅無匠石刀几有庖丁碌碌迷藏
器規規守挈瓶憤容凌鼎鑊公議動朝廷故國將辭寵
危邦竟緩刑鈍工磨白壁凡石礪青萍揭日昭東夏搏
風滯北溟後塵遵軌轍前席詠儀形木秀當憂悴弦傷
不底寧矜誇遭尺鷃光彩因飛螢白羽留談柄清風襲
德馨鸞凰嬰雪刃狼虎犯雲屏蘭蕙荒遺址榛蕪蔽舊
垆輶轅近一作遠沂水何事戀明廷

過華清宮二十二韻

憶昔開元日承平事勝遊貴妃專寵幸天子富春秋月
白霓裳殿風乾羯鼓樓鬪雞花蔽膝騎馬玉搔頭繡轂
千門妓金鞍萬戶侯薄雲欹雀扇輕雪犯貂裘過客聞

韶濩居人識冕旒氣和春不覺煙暖霽難收細一作浪
涵瑤甃晴陽上綵旂卷衣輕髮懶窺鏡淡蛾羞屏掩笑
蓉帳簾褰玳瑁鈎重瞳分渭曲纖手指神州御案迷萱
草天袍妬石榴深巖蔽浴鳳鮮隰媚潛虬不料邯鄲蠹
俄成即墨牛劍鋒揮太皞旗焰拂蚩尤內嬖陪行在孤
臣預坐籌瑤簪遺翡翠霜仗駐驂驄艷笑雙飛斷香魂
一哭休早梅悲蜀道高樹隔昭丘朱閣重霄近蒼厓萬
古愁至今湯殿水嗚咽縣前流

洞戶二十二韻

洞戶連珠網方䟽隱碧潏燭盤烟墜燼簾壓月通陰粉
白仙郎署霜清玉女砧醉鄉高窈窕棋陣靜悒悒素手
琉璃扇玄髻玳瑁簪昔邪者寄迹掩子詠同心樹列千

秋勝樓懸七夕針舊詞翻白紵新賦換黃金
吹鶴調蠻鼓驚蟬應寶琴舞疑繁易度歌轉
斷難尋露委花相妬風歌柳不禁橋彎雙表
迥池漲一篙深清蹕傳恢囿黃旗幸上林神
鷹參翰苑天馬破蹄岑武庫方題品文園
有一作好音朱莖殊菌蠹丹桂欲蕭森黼帳
迴瑤席華燈對錦衾畫圖驚走一作獸書帖得來
禽河曙秦樓映山晴魏闕臨綠囊逢趙后青
鑠見王沉任達嫌孤憤踈慵倦九箴若為南
適客猶作卧龍吟

温庭筠詩集卷第六

欽定四庫全書

開化圖書館
kuahua library

海國圖志

六

温庭筠詩集卷第七

送洛南李主簿

想君秦塞外應見楚山青
擲葉曉迷路枳花春滿庭
祿優仍侍膳官散得專經
子敬懷愚谷婦心在翠屏

巫山神女廟

黯黯閉宮殿霏霏蔭薜蘿
曉峰眉上色春水臉前波
古樹芳菲盡扁舟離恨多
一叢斑竹夜環珮響如何

地肺山春日

苒苒花明岸涓涓水遠山
幾時拋俗事來共白雲閑

題陳處士幽居

松軒塵外客高枕自蕭疎
雨後苔侵井霜來葉滿渠
閑看鏡湖晝時得越僧書
若待前溪月誰入伴釣魚

握拓詞

楊柳紫橋綠玫瑰拂地紅繡衫金驀裏花髻玉瓏璫宿
雨香潛潤春流水暗通畫樓初夢斷曉日照湘風

題盧處士山居

西溪問樵客遙識一作楚人家古樹老連石急泉清露
沙千峰隨雨暗一逕入雲斜日暮雀飛散滿庭麴麥花

初秋寄友人

閑夢正悠悠涼風生竹樓夜琴如欲雨曉簟覺新秋獨
鳥楚山遠一蟬閑樹愁憑將離別恨江外問同遊

題豐安里王相林亭二首玄公明太

花竹有薄埃嘉遊集上才白蘋安石渚紅葉子雲臺朱
戶雀羅設黃門馭騎來不知淮水濁丹竊為誰開

偶到烏衣巷，含情更惘然。
西州曲堤柳，東府舊池蓮。
星坼悲元老，雲歸送墨仙。
誰知濟川楫，今作野人船。

早秋山居

山近覺寒早，草堂霜氣晴。
樹凋窓有日，池滿水無聲。
果落見猿過，葉乾聞鹿行。
素琴機慮靜，空伴夜泉清。

和友人盤石寺逢舊友

楚寺上方宿，滿堂皆舊遊。
月溪逢遠客，烟浪有歸舟。
江館白蘋夜，水關紅葉秋。
西風吹暮雨，汀草更堪愁。

送人南遊

送君遊楚國，江浦樹蒼然。
沙淨有波跡，岸平多草烟。
角悲臨海郡，月到渡淮船。
唯以一盃酒，相思高楚天。

贈鄭處士

飄然隨釣艇雲水是生涯紅葉下荒井碧梧侵古槎醉
收陶令菊貧賣邵平瓜更有相期處南籬一樹花

江岸即事

水容侵古岸峰影度青蘋廟竹唯聞鳥江帆不見人雀
聲花外暝客思柳邊春別恨轉難盡行行汀草新

贈隱者

茅堂對薇蕨爐暖一裘輕醉後楚山夢覺來春鳥聲採
茶溪樹綠煮藥石泉清不問人間事忘機過此生

渚宮晚春寄秦地友人

風華已眇然獨立思江天鳧雁野塘水牛羊春草烟秦
原曉重疊瀟浪夜潺湲今日思歸客愁容在鏡懸

碧澗驛曉思

香燈伴殘夢
楚國在天涯
月落子規歌
滿庭山杏花

送并州郭書記

賓筵得嘉客
侯印有光輝
候騎不傳箭
迴文空上機
塞塵一作城收馬去
烽火射驢歸
惟有嚴家瀨
回環暎草微

贈越僧二首

世機銷已盡
巾屨亦飄然
一室故山月
滿鉢秋澗泉
禪庵過微雪
鄉寺隔寒烟
應共白蓮客
相期松桂前
蘭亭舊都講
今日意如何
有樹閑深院
無塵到淺莎
僧居隨處好
人事出門多
不及新春雁
年年鏡水波

詠山雞

萬壑動晴景
山禽凌翠微
繡翎翻草去
紅觜啄花歸
巢暖碧雲色
影孤清鏡輝
不知春樹伴
何處又分飛

清旦題採藥翁草堂

幽人尋藥徑來自曉雲邊
衣濕木花雨語成松嶺烟
鮮藤開澗戶踏石過溪泉
林外晨光動山昏鳥滿天

商山早行

晨起動征鐸客行悲故鄉
雞聲茅店月人跡板橋霜
槲葉落山路枳花明驛牆
因思杜陵夢鳧雁滿迴塘

題竹谷神祠

蒼蒼松竹晚一徑入荒祠
古樹風吹馬廬日照旗
烟煤朝奠處風雨夜歸時
寂寞湖東客空看蔣帝碑

途中有懷

驅車何日閑擾擾路岐間
歲暮自多感客程殊未還
亭臯汝陽道風雪穆陵關
臘後寒梅發誰人在故山

經李處士杜城別業

憶昔幾遊集今來倍歎傷
百花情易老一笑事難忘
白社已蕭索青樓空艷陽
不閑雲雨夢猶欲過高唐

登李羽士東樓

經客有餘音他年終故林
高樓本危睇涼月更傷心
此意竟難拆伊人成古今
流塵其可欲非復嬾鳴琴

題僧秦恭院二首

昔歲東林下深公識姓名
爾來辭半偈空復歎勞生
憂患慕禪味寂寥遺世情
所歸心自得何事倦塵纓
微生竟勞止晤言猶是非
出門還有淚看竹暫忘機
爽氣三秋近浮生一笑稀
故山松菊在終欲掩荆扉

西遊書懷

渭川通野戍有路上桑乾獨鳥青天暮驚麈赤燒殘高
秋辭故國昨日夢長安客意自如非關行路難

送人東遊

荒戍落黃葉浩然離故關高風漢陽渡初日郢門山江
上幾人在天涯孤棹還何當重相見罇酒慰離顏

寄山中友人

惟昔有歸趣今茲因願言嘯歌成往事風雨坐涼軒時
物信佳節歲華非故園固知春草色何意為王孫

偶題

孔雀眠高閣櫻桃拂短簷畫明金丹冉冉語玉纖纖細
雨無妨燭輕寒不隔簾欲將紅錦段因夢寄江淹

贈考功盧郎中

白首方辭滿荆扉對渚田雪中無陋巷醉後似當年一
筴負山藥兩餅携澗泉夜來風浪起何處認漁船

題蕭山廟

故道木陰濃荒祠山影東杉松一庭雨幡蓋滿堂風客
奠曉莎濕馬嘶秋廟空夜深歌龍入古潭中

春日寄岳州李負外二首

苒弱樓前柳輕空花外窻蝶高飛有伴鶯早語無雙剪
勝裁春字開屏見曉江從來共情戰今日欲歸降
從小識賓卿恩深若弟兄相逢在何日此別不勝情紅
粉座中客絲旂江上城尚平婚嫁累無路逐雙旌

和段少常柯古

稱觴慙座客懷刺即門人素尚寧知貴清談不厭貧野

梅江上晚隄柳雨中春未報淮南詔何勞問白蘋

海榴

海榴開似火先解報春風葉亂裁殘綠花宜插髻紅蠟
珠攢作蒂紺絲剪成叢鄭驛多歸思相期一笑同

李先生別墅望僧舍寶刹因作雙韻聲

棲息消心象簷楹溢艷陽簾櫳蘭露落鄰里柳林涼高
閣過空谷孤竿隔古岡潭廬同淡蕩髣髴復芬芳

敷水小桃盛開因作

敷水小橋東娟娟照露叢所嗟非勝地堪恨是春風二
月艷陽節一枝惆悵紅定知留不住吹落路塵中

溫庭筠詩集卷第七

温庭筠詩別集

寄山中人

月中一雙鶴石上千尺松素琴入爽籟山酒和春容幽
瀑有時一作斷片雲無所從何事蘇門坐携手東南峰

送淮陰孫令之官

隋隄楊柳烟孤棹正悠然蕭寺通淮戍蕪城枕楚壩魚
鹽橋上市燈火雨中船故老青葢岸先知處子賢

宿輝公精舍

禪房無外物清話此宵同林彩水烟裏澗聲山月中椽
霜諸壑霽杉火一爐空擁褐寒更徹心知覺路通

旅泊新津却寄一二知己

維舟息行役霽景近江村併起別離恨似聞歌吹喧高

林月初上遠水霧猶昏
王粲平生感登臨
幾斷魂

贈僧雲栖

塵尾與筇杖幾年離石壇
梵餘林雪厚棋罷岳鐘殘
開卷喜先悟漱鉞知早寒
衡陽寺前雁今日到長安

雪夜與友生同宿曉寄近鄰

閉門群動息積雪透疎林
有客寒方覺無聲曉已深
正繁聞近雁併落起栖禽
寂寞寒塘路憐君獨阻尋

題造微禪師院

夜香聞偈後岑寂掩雙扉
照竹燈和雪看松月到衣
草堂踈磬斷江寺故人稀
唯憶湘南雨春風獨鳥歸

正見寺曉別生公

清曉盥秋水高牕留夕陰
初陽到古寺宿鳥起寒林
香

火有良願宦名非素心靈山緣未絕他日重來尋

旅次盱眙縣

離離麥擢芒楚客意偏傷波上旅愁起天邊歸路長孤
撓投楚驛殘月在淮牆外杜三千里誰人數雁行

鄆郊別墅寄所知

持願望平綠萬景集所思南塘遇新雨百草生客姿幽
鳥不相識美人如何期徒然委搖蕩惆悵春風時

京兆公池上作

稻香山色疊平野接荒陂蓮折舟行遠萍多釣下遲壞
隄泉落處涼簟雨來時京口兵堪用何因入夢思

盧氏池上遇雨贈同遊者

簟翻涼氣集溪上潤殘棋萍皺風來後荷喧雨到時寂

寥閑望久飄灑獨歸遲無限松江恨煩君解釣絲

題薛昌之所居

所得乃清曠寂寥常掩關獨來春尚在相得暮方還
花白風露晚柳青街陌閑翠微應有雪窗外見南山

東歸有懷

晴川通野陂此地昔傷離一去跡長在獨來心自知
鷺眠芰葉折魚靜蓼花垂無限高秋淚扁舟極路岐

休澣日西掖謁所知

赤墀高閣自從容玉女窓扉報曙鐘日麗九門青瑣闥
雨晴雙闕翠微峰毫端蕙露滋仙草琴上薰風入禁松
荀令鳳池春晼晚好將餘潤變魚龍

博山

博山香重欲成雲錦段機絲妬鄂君粉蝶團飛花轉影
彩鴛雙泳水生紋青樓二月春將半碧瓦千家日未曛
見說揚朱無限淚豈能空為路岐分

送盧處士遊吳越

羨君東去見殘梅唯有王孫獨未迴吳苑夕陽明古堞
越宮春草上高臺波生野水鴈初下風滿驛樓潮欲來
試逐魚舟看雪浪幾多江燕行花開

過新豐

一劍乘時帝業成沛中鄉里到咸京寰區已作皇居貴
風月猶含白社情泗水舊亭春草徧千門遺瓦古苔生
至今留得離家恨雞犬相聞落照明

過潼關

地形盤屈帶河流景氣澄明是勝遊十里曉雞關樹暗
一行寒雁隴雲愁片時無事溪泉好盡日凝眸岳色秋
塵尾角巾應曠望更嗟芳靄隔秦樓

題西平王舊賜屏風

曾向金扉玉砌來百花鮮濕隔塵埃披香殿下櫻桃熟
結綺樓前芍藥開朱鷺已隨新鹵簿黃鸝猶識舊池臺
世間剛有東流水一送恩波更不迴

河中陪帥遊亭

倚欄愁立獨徘徊欲賦慙非宋玉才滿座山光搖劍戟
繞城波色動樓臺鳥飛天外斜陽盡人過橋心倒影來
添得五湖多少恨柳花飄蕩似寒梅

和趙嘏題岳寺

疎鐘細響亂鳴泉
客省高臨似水天
嵐翠暗來空覺潤
澗泉餘爽不成眠
越僧寒來孤燈外
岳月秋當萬木前
張邴官情何太薄
遠公窓外有池蓮

蘇武廟

蘇武魂銷漢使前
古祠高樹兩茫然
雲邊雁斷胡天月
隴上羊歸塞草烟
迴日樓臺非甲帳
去時冠劍是丁年
茂陵不見封侯印
空向秋波哭逝川

途中偶作

石路荒涼接野蒿
西風吹馬利如刀
小橋連驛楊柳晚
廢寺入門禾黍高
雞犬夕陽喧縣市
鳧鷖秋水曝城壕
故山有夢不歸去
官樹陌塵何太勞

寒食前有懷

萬物鮮華雨乍晴春寒寂歷近清明殘芳荏苒雙飛蝶
曉睡濛籠百轉鶯舊侶不歸成獨酌故園雖在有誰耕
悠然更起嚴灘恨一宿東風蕙草生

宿雲際寺

白蓋微雲一逕深東峯一作風弟子遠相尋蒼苔路熟僧
歸寺紅葉聲乾鹿在林高閣清香生靜境夜堂踈磬發
禪心自從紫桂巖前別不見南能直至今

寄岳州李外郎遠

含頰不語坐持頤天近樓高宋玉悲湖上殘棋人散後
岳陽微雨鳥來歸一作歸遲早梅猶得迴歌扇春水還應理
釣絲獨有袁宏正憔悴一罇惆悵落花時

遊南塘寄王知白

白鳥梳翎立岸莎
藻花菱刺泛微波
因光似帶侵垂柳
露點如珠落卷荷
楚水曉涼催客早
杜陵秋思傍蟬多
劉公不信歸心切
聽取江樓一曲歌

寄盧生

遺業荒涼近故都
門前隄路枕平湖
綠楊影裏千家月
紅藕香中萬點珠
此地別來雙鬢改
幾時歸去片帆孤
他年猶擬金貂換
寄語黃公舊酒壚

春日訪李十四處士

花深橋轉水潺潺
舟里先生自閉關
看竹已知行處好
望雲空得暫時閒
誰言有策堪經世
自是無錢可買山
一局殘棋千點雨
綠萍池上暮方還

宿松門寺

白石青崖世界分，卷簾孤坐對氛氲。
林間禪室春深雪，潭上龍堂夜半雲。
落月蒼涼登閣在，曉鐘搖蕩隔江聞。
西山舊是經行地，願漱寒澗逐領軍。

詠寒宵

寒宵何耿耿，良燕有餘姿。
寶鞋徘徊處，熏鑪悵望時。
曲瓊垂翡翠，斜月到梁思。
委墜金缸燼，闌珊玉局棋。
話窮猶注睇，歌罷尚持頰。
掩暖遙相屬，氛氲積所思。
秦娥卷衣晚，胡雁度雲遲。
上郡歸來夢，那知錦字詩。

寄渚宮遺民弘里生

柳弱湖堤曲，籬疎水巷深。
酒闌初促席，歌罷欲分襟。
波月欺華燭，汀雲澗故琴。
鏡清花並蒂，床冷蕈連心。
荷疊平橋閣，萍稀敗舫沉。
城頭五通鼓，窗外萬家砧。
異縣魚

投浪當年鳥共林
八行書未減千里
夢難尋未肯睽良
願空期嗣好音
他時因詠作猶得
比南金

春盡與友人入裴氏林採漁竿

一徑互紆直
茅棘亦已繁
晴陽入荒竹
曖曖如春園
倚杖息慙倦
徘徊戀微暄
歷尋嬋娟節
翦破蒼葭根
地閑脩莖孤
林振餘籜
翻適心在所
好非必尋湘沅

春日

問君何所思
迢遞艷陽時
門靜人歸晚
墻高蝶過遲
一雙青瑣燕
千萬綠楊絲
屏上吳山遠
樓中朔管悲
寶書無寄處
香轂有來期
草色將林彩
相添入黛眉

洛陽

鞏樹先春雪
滿枝上陽宮
柳轉黃鸝桓
譚未便忘西笑

豈為長安有鳳池

贈鄭徵君

一拋蘭棹逐燕鴻
曾向江湖識謝公
每到朱門還悵望
故山多在畫屏中

題賀知章故居疊韻作

廢砌翳薜荔
枯荷無菰蒲
老媪竇葦草
愚儒輸逋租

雨中與李先生期垂釣先後相失因作疊

韻

隔石覓履跡
西溪迷雜啼
小鳥擾曉沼
犁泥齋一作低畦

溫庭筠詩別集

開化圖書館

Kaichua library

開化圖書館

Wahua library




開化圖書館

Kaithwa library

開化圖書館


Kaifu Library





岑
嘉
州
詩

開化圖書館

Kaohsiung Library





TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color